



Adroddiad Arolygu

The Hollies Daycare Nursery

**Hollies Nursery
9 Sanatorium Road
Caerdydd
CF11 8DG**

This report is also available in English

Mae'r adroddiad hwn hefyd ar gael yn Saesneg



Dyddiad Cwblhau'r Arolygiad

19/07/2021

Llywodraeth Cymru © Hawlfraint y Goron 2021.

*Cewch ddefnyddio ac aildefnyddio'r wybodaeth sydd yn y cyhoeddiad hwn (ac eithrio'r logos) yn ddi-dâl, mewn unrhyw fformat neu gyfrwng, o dan delerau'r Drwydded Llywodraeth Agored. Gallwch weld y Drwydded Llywodraeth Agored ar wefan yr Archifau Gwladol, neu gallwch ysgrifennu at The Information Policy Team, The National Archives, Kew, London, TW9 4DU, neu anfon e-bost at: psi@nationalarchives.gsi.gov.uk
Rhaid i chi atgynhychu ein deunydd yn fanwl gywir a pheidio â'i ddefnyddio mewn cyd-destun camarweiniol.*

The Hollies Daycare Nursery

| | |
|--|---|
| Y math o ofal a ddarperir | Gofal Dydd Plant Gofal Dydd Llawn |
| Darparwr Cofrestredig | The Hollies Nursery Ltd |
| Lleoedd cofrestredig | 148 |
| Iaith y gwasanaeth | Saesneg |
| Arolygiad blaenorol Arolygiaeth Gofal Cymru | 29 Gorffennaf 2017 |
| A yw hwn yn wasanaeth Dechrau'n Deg? | Nac ydy |
| A yw'r gwasanaeth hwn yn darparu'r Cynnig Rhagweithiol ar gyfer y Gymraeg? | Mae'r gwasanaeth yn darparu'r 'Cynnig Rhagweithiol' ar gyfer y Gymraeg. Mae'n darparu gwasanaeth sy'n rhagweld, yn nodi ac yn diwallu anghenion Cymraeg a diwylliannol pobl sy'n defnyddio'r gwasanaeth, neu a all ei ddefnyddio. |

Crynodeb

Cynhaliwyd yr arolygiad hwn yn ystod pandemig COVID-19; felly, rydym wedi canolbwyntio ar y meysydd â blaenoriaeth ar gyfer y lleoliad hwn ac nid y fframwaith ansawdd cyfan.

Mae'r plant yn hapus ac wedi setlo. Maent yn cael cyfleoedd gwych i chwarae a dysgu mewn lleoliad magwrus. Cânt gyfleoedd i ddod yn annibynnol ac i feithrin eu sgiliau drwy amrywiaeth o brofiadau a chwarae o ansawdd uchel. Mae'r plant yn meithrin cydberthnasau agos â'i gilydd a'r staff.

Mae'r staff yn broffesiynol, yn gymwysedig ac yn gweithio'n dda gyda'i gilydd. Maent yn deall sut i gadw'r plant yn ddiogel ac yn iach. Mae'r staff wedi rhoi polisiau a gweithdrefnau COVID-19 cadarn a manwl ar waith. Maent yn cynllunio amrywiaeth dda o weithgareddau, sy'n cynnwys diddordebau a chyfraniad y plant. Mae'r staff yn cadw cofnodion da o gynnydd y plant.

Mae digon o adnoddau yn yr amgylchedd dan do ac yn yr awyr agored. Darperir amrywiaeth dda o deganau ac adnoddau i'r plant chwarae â nhw. Mae'r amgylchedd yn lân, yn groesawgar ac yn drefnus. Mae'r staff yn dilyn gweithdrefnau i sicrhau bod yr amgylchedd yn ddiogel ac yn addas, gan gwblhau asesiadau risg a gwiriadau dyddiol yn gyson.

Mae trefniadau arwain a rheoli'r lleoliad yn gadarn. Mae gweledigaeth glir ar gyfer y gwasanaeth ac mae'r tîm rheoli yn cefnogi'r staff i wneud eu swyddi yn dda. Mae polisiau, gweithdrefnau a chofnodion addas ar waith. Mae'r rhieni'n canmol y gwasanaeth yn fawr, ac yn gadarnhaol iawn am y staff a'r gofal y mae eu plant yn ei gael.

Llesiant

Cynhaliwyd yr arolygiad hwn yn ystod pandemig COVID-19; felly, rydym wedi canolbwyntio ar y meysydd â blaenoriaeth ar gyfer y lleoliad hwn ac nid y fframwaith ansawdd cyfan.

Mae'r plant yn cael eu hannog yn gyson i wneud eu penderfyniadau eu hunain ynglŷn â'r ffordd y maent yn treulio eu hamser yn y lleoliad. Gallant ddewis o blith amrywiaeth o weithgareddau cyffrous a difyr. Caiff hunanfynegiant y plant ei annog a gwelsom y plant yn dewis anifeiliaid chwarae i'w hychwanegu at eu hambyrddau dŵr unigol. Mae'r staff yn gwrando'n astud ar y plant, gan ddangos diddordeb yn eu sgysiau a'u syniadau. Gwelsom aelod o'r staff yn ymateb yn gynnes i blentyn a oedd yn dangos ei bys tost.

Mae'r plant yn fodlon eu byd, yn ddiogel ac yn cael eu gwerthfawrogi yn y lleoliad. Maent yn gwneud ffrindiau yn unol â'u hoedran a'u cam datblygu, ac yn meithrin cydberthnasau cryf â'r staff sy'n gofalu amdanynt. Mae'r plant yn gyfarwydd â'r drefn feunyddiol, yn ddigon hyderus i archwilio'r amgylchedd yn rhydd ac yn gwybod ble mae'r adnoddau a sut i gael gafael arnynt yn annibynnol.

Mae'r plant yn dysgu sut i rannu a pharchu ei gilydd. Gwelsom y plant yn mwynhau chwarae gyda'r trenau gyda'i gilydd. Mae'r plant yn eistedd yn daclus ar gyfer amser cylch a gwelsom y plant yn ymateb i'r aelod o'r staff yn gofyn '*Pwy wyt ti?*'.

Mae'r plant yn mwynhau eu chwarae a'u dysgu. Maent yn cael budd o amrywiaeth o adnoddau chwarae a dysgu ym mhob ystafell. Maent yn ymddiddori yn eu chwarae, ac mae rhai ohonynt yn dangos chwilfrydedd a'r gallu i chwarae ar eu pen eu hunain am gyfnodau sy'n addas ar gyfer eu hoedran a'u cam datblygu. Mae'r plant yn cael cyfleoedd i gymryd rhan mewn gweithgareddau a arweinir gan oedolion, ac yn annibynnol. Gwelsom grŵp bach o blant yn dewis cymryd rhan mewn stori ryngweithiol, '*We're going on a bear hunt*' (*Rydyn ni'n mynd i hela arth*) gydag aelod o'r staff, gydag adnoddau i wella'r profiad.

Mae'r plant yn datblygu'n dda ac maent yn cael cyfleoedd i fod yn annibynnol. Gwelsom fod y plant iau yn cael eu hannog i fwydo eu hunain, gyda'r staff yn cynnig cymorth yn ôl yr angen. Mae'r plant yn cael cyfleoedd i ddatblygu eu sgiliau yn ystod sesiynau chwarae yn yr awyr agored, megis dringo, reidio beiciau, paentio a thynnu lluniau.

Gofal a Datblygiad

Cynhaliwyd yr arolygiad hwn yn ystod pandemig COVID-19; felly, rydym wedi canolbwyntio ar y meysydd â blaenoriaeth ar gyfer y lleoliad hwn ac nid y fframwaith ansawdd cyfan.

Mae gan y staff ddealltwriaeth dda o'u rolau a'u cyfrifoldebau yn y lleoliad. Maent yn cadw'r plant yn ddiogel ac yn iach. Mae gweithdrefnau ar waith i hyrwyddo lles y plant, gan gynnwys polisi diogelu trylwyr. Fodd bynnag, nid oedd y system ar gyfer cofnodi a storio cofnodion perthnasol yn glir. Roedd y staff y cawsom sgwrs â nhw yn hyderus o ran eu rôl wrth ddiogelu'r plant. Mae'r staff yn dilyn gweithdrefnau diogelu'r lleoliad ac yn cwblhau'r gwaith papur perthnasol i hyrwyddo diogelwch y plant. Mae'r staff yn glir ynglŷn â'r gweithdrefnau diogelwch ar gyfer y lleoliad a'u cyfrifoldebau mewn perthynas â rheoli heintiau. Mae polisiâu a gweithdrefnau manwl ar waith sy'n cael eu hadolygu'n rheolaidd. Fodd bynnag, nid oedd pob aelod o'r staff yn cydymffurfio â'r polisi iechyd a diogelwch ynglŷn â gwisgo lliw ewinedd. Aeth y tîm rheoli i'r afael â hyn ar unwaith. Roedd arferion COVID-19 da ar waith, ynghyd â pholisi COVID-19 manwl a chadarn, a gwelsom fod y staff yn eu dilyn. Gwelsom aelod o'r staff yn gofyn i aelod arall o'r staff yn yr ystafell, a oedd yn cyflenwi pan oedd aelod o'r staff yn cael egwyl, i olchi ei ddwylo wrth fynd i mewn i'r brif ystafell.

Mae'r staff yn gweithio'n dda gyda'i gilydd i gefnogi a hyrwyddo ymddygiad cymdeithasol y plant, gan fod yn ystyriol o'u hoedran a'u cam datblygu. Maent yn fodolau rôl cadarnhaol ar gyfer y plant, ac yn trin ei gilydd a'r plant gyda pharch a charedigrwydd. Mae'r staff yn dangos diddordeb yng ngwaith y plant, ac maent yn fodlon chwarae gyda'r plant i gefnogi eu dysgu a'u datblygiad. Mae polisi rheoli ymddygiad priodol ar waith ac mae'r staff yn gyfarwydd â hwn.

Mae'r staff yn gefnogol, yn fagwrus ac yn ymgysylltu'n gadarnhaol â'r plant er mwyn cefnogi eu chwarae a'u datblygiad. Mae system dda ar waith i gofnodi a nodi cynnydd a champau nesaf y plant. Gwelsom y staff yn cwblhau arsylwadau yn unol â system olrhain datblygiad y plant a'u cynlluniau unigol. Mae'r staff yn cynllunio amrywiaeth dda o weithgareddau, sy'n dilyn cyfraniad a diddordebau'r plant. Mae'r defnydd o Gymraeg achlysurol yn gryf ym mhob rhan o'r feithrinfa.

Yr Amgylchedd

Cynhaliwyd yr arolygiad hwn yn ystod pandemig COVID-19; felly, rydym wedi canolbwyntio ar y meysydd â blaenoriaeth ar gyfer y lleoliad hwn ac nid y fframwaith ansawdd cyfan.

Mae'r amgylchedd yn ddiogel ac yn ddeniadol, ac mae'n darparu digon o le ar gyfer gweithgareddau'r plant. Mae'r staff yn cwblhau gwiriadau diogelwch dyddiol o'r amgylcheddau dan do ac awyr agored er mwyn nodi unrhyw risgiau i ddiogelwch y plant, ac yn dileu'r risgiau hynny lle bo modd. Mae'r staff a'r plant yn cofrestru wrth fynd i mewn ac allan o bob prif ystafell wrth gyrraedd a gadael y feithrinfa. Fodd bynnag, nid yw'r staff yn cofrestru wrth adael ar gyfer amser egwyl ac amser cinio. Mae'r tystysgrifau yn gyfredol, gan gynnwys gwasanaeth boeler nwy, profion trydanol PAT a gwiriadau diogelwch tân. Mae polisïau a gweithdrefnau manwl ar waith i gadw'r staff, y plant ac ymwelwyr yn ddiogel. Mae polisi ac asesiad risg manwl Covid-19 ar waith i gadw pawb yn ddiogel yn ystod pandemig COVID-19, fel y soniwyd uchod. Mae asesiadau risg effeithiol ar waith sy'n nodi ac yn dileu risgiau i ddiogelwch y plant, y staff ac ymwelwyr.

Mae amgylchedd y feithrinfa yn groesawgar ac mewn cyflwr da. Mae pob prif ystafell yn y feithrinfa yn cynnwys digon o adnoddau bywyd go iawn o ansawdd da, megis sosbenni yn y gornel gartref, llyfrau a doliau. Mae arddangosfeydd ar y waliau yn cynnwys gwaith celf y plant, a ffotograffau ohonynt yn eu drama, sy'n rhoi ymdeimlad o berthyn iddynt. Mae'r ardal awyr agored yn cynnwys cyfarpar, sy'n addas ar gyfer oedran y plant. Gwelsom ffrâm ddringo bren ar gyfer y plant hŷn a chilfach bren lai ar gyfer y plant iau.

Mae amrywiaeth dda o deganau a deunyddiau dysgu sy'n diwallu anghenion y plant ym mhob prif ystafell. Caiff adnoddau eu storio ar unedau sy'n addas i'r plant ym mhob ystafell. Er enghraifft, roedd drych wedi cael ei osod yn isel ar y wal yn ystafell y babanod ac roedd y silffoedd yn uwch yn ystafelloedd y plant hŷn. Mae'r plant yn mwynhau eu hamser yn yr awyr agored ac yn dangos llawer o frwdfrydedd, gan symud o gwmpas yr ardal yn rhwydd.

Arwain a Rheoli

Cynhaliwyd yr arolygiad hwn yn ystod pandemig COVID-19; felly, rydym wedi canolbwyntio ar y meysydd â blaenoriaeth ar gyfer y lleoliad hwn ac nid y fframwaith ansawdd cyfan.

Mae'r bobl sy'n rhedeg y gwasanaeth yn fedrus, yn brofiadol ac maent yn rheoli'r gwasanaeth yn dda. Mae'r datganiad o ddiben yn fanwl ac yn rhoi'r wybodaeth berthnasol i'r rhieni am y gwasanaeth er mwyn sicrhau y gallant wneud penderfyniad ar sail gwybodaeth am ei addasrwydd i'w plentyn. Mae polisïau a gweithdrefnau manwl ar waith a gaiff eu hadolygu a'u diweddarau yn ôl yr angen. Mae'r unigolyn cyfrifol yn rhoi cymorth i'r personau â chyfrifoldeb a'u timau er mwyn sicrhau y caiff anghenion y plant eu hystyried bob amser. Mae gweithdrefnau diogelu cadarn ar waith sy'n hyrwyddo lles y plant. Mae angen i gofnodion diogelu gael eu trefnu a'u cofnodi'n gliriach. Caiff ymarferion gwagio'r adeilad adeg tân eu cynnal yn rheolaidd a chaiff gwerthusiadau da o bob ymarfer eu cofnodi. Mae ffurflenni damweiniau, digwyddiadau ac anafiadau sy'n bodoli eisoes yn cael eu cwblhau, eu trafod a'u gwerthuso bob mis gan y tîm rheoli i nodi tueddiadau a chatau gweithredu. Nid oes unrhyw le i'r staff a'r rhieni ddyddio'r ffurflenni.

Mae ffeiliau'r staff o ansawdd da ac mae'r holl wiriadau perthnasol yn cael eu gwneud er mwyn sicrhau bod pob aelod o'r staff yn addas i weithio gyda phlant. Mae pob aelod o'r staff yn cael sesiynau goruchwyllo rheolaidd ac arfarniadau blynyddol, a chafodd yr holl staff arfarniad ar ôl dychwelyd i'r gwaith yn dilyn cau'r feithrinfa o ganlyniad i COVID-19. Mae'r bobl sy'n rhedeg y lleoliad wedi gweithio'n galed i ystyried llesiant y staff yn ofalus, yn enwedig yn sgil pandemig COVID-19. Mae'r adolygiad blynyddol o Ansawdd y Gofal yn fanwl ac yn cynnwys adborth y rhieni, y staff a'r plant.

Mae system glir ar waith i sicrhau bod gwiriadau'r staff gan y Gwasanaeth Datgelu a Gwahardd (DBS) yn gyfredol. Mae system i gadw golwg ar hyfforddiant gorfodol ac mae cyfleoedd da i'r staff gael hyfforddiant ychwanegol yn ôl yr angen drwy'r awdurdod lleol. Dywedodd y staff y gwnaethom siarad â nhw wrthym eu bod yn teimlo eu bod yn cael eu cefnogi a'u gwerthfawrogi yn y feithrinfa. Gwnaethant ddweud bod y tîm rheoli yn gefnogol ac yn barod i helpu gydag unrhyw ymholiadau sydd ganddynt.

Mae'r lleoliad wedi ennyn ymddiriedaeth y rhieni ac wedi ffurfio cysylltiadau cyfathrebu da iawn â nhw. Dywedodd y rhieni y gwnaethom siarad â nhw wrthym eu bod yn gwerthfawrogi adborth ar gynnydd eu plentyn a'u bod yn hoffi'r diweddariadau diwedd dydd gan weithiwr allweddol eu plentyn. Dywedodd y rhieni wrthym hefyd fod y feithrinfa yn darparu profiadau da, prydau bwyd a byrbrydau iach i'r plant a'r hyn y mae eu plant yn ei fwynhau. Gwnaethant ddweud hefyd y byddent yn argymhell y feithrinfa i'w ffrindiau a'u teulu.

Argymhellion i gyrraedd y Safonau Gofynnol Cenedlaethol

- A1. Sicrhau y caiff cofnodion diogelu eu cofnodi'n glir a'u storio'n
- A2. Sicrhau bod y polisi iechyd a diogelwch yn cael ei ddilyn bob amser ynglŷn â gwisgo estyniadau ewinedd a lliw ewinedd
- A3. Sicrhau bod lle i'r rhieni a'r staff ddyddio'r ffurflenni damweiniau, digwyddiadau ac anafiadau sy'n bodoli eisoes
- A4. Sicrhau bod y staff yn cofrestru wrth fynd i mewn ac allan o'r prif ystafelloedd wrth gyflenwi a chael egwyl.

**Y meysydd i'w gwella a'r camau a nodwyd yn yr arolygiad blaenorol neu ers hynny.
Wedi'i gyflawni**

**Y meysydd i'w gwella a'r camau a nodwyd yn yr arolygiad blaenorol neu ers hynny.
Heb ei gyflawni**

| | |
|-----|--|
| Dim | |
|-----|--|

Meysydd lle y mae angen gweithredu â blaenoriaeth

| | |
|-----|--|
| Dim | |
|-----|--|

Meysydd lle y mae angen gwneud gwelliannau

| | |
|-----|--|
| Dim | |
|-----|--|

Dyddiad Cyhoeddi 08/09/2021